

Na osnovu člana 24. Zakona o zaštiti od požara i vatrogastvu (Sl. Novine Federacije BiH" br.64/09) i člana 40. alineja f) Pravila Javne ustanove Sarajevska filharmonija, Upravni odbor na sjednici održanoj dana 25.02.2026. godine donosi

PRAVILNIK O ZAŠTITI OD POŽARA

JAVNE USTANOVE SARAJEVSKA FILHARMONIJA

I. OPĆE ODREDBE

Član 1. **(Predmet)**

Ovim Pravilnikom o zaštiti od požara Javne ustanove Sarajevska filharmonija (u daljem tekstu: Pravilnik) uređuje se organizacija, provođenje i unapređenje mjera zaštite od požara u Javnoj ustanovi Sarajevska filharmonija (u daljem tekstu: Filharmonija), prava, obaveze i odgovornosti zaposlenih, kao i druga pitanja od značaja za zaštitu od požara.

Član 2. **(Upravljačka ovlaštenja)**

Filharmonija obavlja svoju djelatnost u prostorijama Narodnog pozorišta Sarajevo (u daljem tekstu: Upravitelj objekta), koje je vlasnik i upravitelj objekta. Filharmonija nema vlasnička niti upravljačka ovlaštenja nad objektom, niti nad tehničkim sistemima zaštite od požara (elektroinstalacije, sistemi dojave i gašenja požara, hidrantska mreža, protivpožarni aparati i sl.).

Član 3. **(Korisnička ovlaštenja Filharmonije)**

Mjere zaštite od požara u Filharmoniji provode se u skladu sa važećim zakonima i podzakonskim propisima iz oblasti zaštite od požara, u okviru nadležnosti Filharmonije kao korisnika prostora.

II. ORGANIZACIJA ZAŠTITE OD POŽARA

Član 4. **(Organizacija zaštite od požara)**

Zaštita od požara organizuje se kroz preventivne, organizacione i edukativne mjere, uz saradnju sa upraviteljem objekta.

Član 5.
(Tehničke mjere zaštite)

Tehničke mjere zaštite od požara u objektu provodi Narodno pozorište Sarajevo kao upravitelj objekta, dok Filharmonija provodi mjere koje se odnose na organizaciju rada i ponašanje zaposlenih.

Član 6.
(Unaprjeđenje zaštite)

Filharmonija kontinuirano unaprjeđuje zaštitu od požara kroz informisanje zaposlenih i praćenje primjene propisanih mjera.

III. UPOZNAVANJE I OSPOSOBLJAVANJE ZAPOSLENIH

Član 7.
(Upoznavanje sa opasnostima prilikom zasnivanja radnog odnosa)

Zaposleni se upoznaju sa opasnostima od požara prilikom zasnivanja radnog odnosa, raspoređivanja ili premještanja na drugo radno mjesto.

Član 8.
(Osposobljavanje uposlenih)

Osposobljavanje zaposlenih obuhvata upoznavanje sa:

- osnovnim pravilima zaštite od požara,
- zabranama i obavezama u pogledu korištenja električnih uređaja,
- Planom evakuacije i spašavanja Narodnog pozorišta Sarajevo.

IV. DUŽNOSTI I ODGOVORNOSTI ZAPOSLENIH

Član 9.
(Obaveze zaposlenih)

Zaposleni su dužni:

- pridržavati se propisanih mjera zaštite od požara;
- pažljivo koristiti električne i druge uređaje;
- ne unositi zapaljive materije bez odobrenja upravitelja objekta;
- prijaviti svaku uočenu opasnost nadležnim osobama.

Član 10.
(Odgovornost zaposlenih)

Zaposleni su odgovorni za postupanje u skladu sa ovim Pravilnikom u dijelu koji se odnosi na njihove radne obaveze.

V. IMENOVANJE ZADUŽENOG LICA

Član 11. (Imenovanje zaduženog lica)

Direktor Filharmonije imenuje zaposleno lice koje je zaduženo za praćenje provođenja mjera zaštite od požara utvrđenih ovim Pravilnikom.

Član 12. (Obaveze zaduženog lica)

Zaduženo lice prati primjenu mjera u okviru nadležnosti Filharmonije, vodi evidencije i sarađuje sa odgovornim licima Narodnog pozorišta Sarajevo.

Imenovano lice nema tehničku odgovornost za sisteme zaštite od požara u objektu.

VI. UNUTRAŠNJA KONTROLA

Član 13. (Unutrašnja kontrola)

Unutarnja kontrola provodi se kroz nadzor nad poštivanjem propisanih mjera i periodično informisanje zaposlenih.

VII. ZABRANE I POSTUPANJE U SLUČAJU POŽARA

Član 14. (Zabrana upotrebe otvorene vatre)

U prostorijama koje koristi Filharmonija zabranjena je upotreba otvorene vatre, osim ako je to dozvoljeno aktima upravitelja objekta.

Član 15. (Obaveza obavještanja)

U slučaju pojave požara zaposleni su dužni odmah obavijestiti odgovorna lica i postupati u skladu sa Planom evakuacije Narodnog pozorišta Sarajevo.

VIII. DISCIPLINSKA ODGOVORNOST I ZAVRŠNE ODREDBE

Član 16. (Disciplinska odgovornost)

Nepridržavanje odredbi ovog Pravilnika predstavlja povredu radne obaveze i podliježe disciplinskoj odgovornosti u skladu sa važećim propisima.

Član 17.
(Stupanje na snagu pravilnika)

Ovaj Pravilnik stupa na snagu danom donošenja.

Predsjednik Upravnog odbora
mr. Fahrudin Strojil

~~Bosna i Hercegovina~~

Sarajevo, 25.02.2026. godine
Broj: 1-178-4/2026

